



“АВТОТЭЭВРИЙН ҮНДЭСНИЙ ТӨВ” ТӨҮГ-ЫН 2024 ОНЫ ҮЙЛ АЖИЛЛАГААНД ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН АЖЛЫН ТАЙЛАН

2025.01.15

Нэг. Хяналт-шинжилгээ, үнэлгээний ажлын зорилго

“Автотээврийн үндэсний төв” ТӨҮГ-ын 2024 оны үйл ажиллагаанд хяналт-шинжилгээ хийж, үнэлэлт, дүгнэлт өгөх, цаашид анхаарч ажиллах асуудлын талаар санал, зөвлөмж боловсруулах замаар удирдлага, албан тушаалтныг холбогдох мэдээллээр хангах зорилгоор энэхүү хяналт-шинжилгээ, үнэлгээний ажлыг гүйцэтгэлээ.

Үйл ажиллагааны хэрэгжилтийг дүгнэхдээ Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”, Зам, тээврийн хөгжлийн сайдын 2021 оны А/87 дугаар тушаалаар баталсан “Зам, тээврийн хөгжлийн яам болон харьяа байгууллагуудын үйл ажиллагаанд хяналт-шинжилгээ, үнэлгээ хийх журам”-ыг үндэслэл болгосон.

Хоёр. Танилцуулга

“Автотээврийн үндэсний төв” ТӨҮГ-ын 2024 оны үйл ажиллагааг гүйцэтгэлийн төлөвлөгөөний хэрэгжилт, Хууль тогтоомж, тогтоол шийдвэрийн биелэлт, Сайдын тушаалаар өгөгдсөн үүрэг даалгаврын биелэлт, Шилэн дансны хөтлөлтийн үнэлгээ, Нийтийн мэдээллийн ил тод байдлын хэрэгжилт зэрэг 5 үзүүлэлтээр үнэлж, нэгдсэн дүнгээр **83.0** хувьтай байна. Эдгээрийг тус тусад нь авч үзвэл:

2.1. “Автотээврийн үндэсний төв” ТӨҮГ-ын 2024 оны гүйцэтгэлийн төлөвлөгөөний хэрэгжилт:

/Хүснэгт 1/

Нийт заалт	Үүнээс						Хугацаа болоогүй	Биелэлтийн хувь
	100%	90%	70%	50%	30%	0%		
63	31	7	12	5	8	-	-	80.3

2.2. Хууль тогтоомж, тогтоол шийдвэрийн хэрэгжилт:

/Хүснэгт 3/

№	Үүрэг даалгаврын нэр	Арга хэмжээ тоо	100%	70%	30%	0%	Хугацаа болоогүй	Хүчингүй болсон	Хэрэгжилт хувь
1	МУ-ын хууль ЗГ-т	1	1		-	-	-	-	100.0
2	УИХ-ын Байнгын хорооны тогтоол	1	-	1	-	-	-	-	70.0
3	УИХ-ын тогтоол	1	-	1	-	-	-	-	70.0



**ЗАМ, ТЭЭВРИЙН
ХӨГЖЛИЙН ЯАМ**

4	Үндэсний аюулгүй байдлын зөвлөмж	1	1	-	-	-	-	-	100.0
5	Засгийн газрын тогтоол	3	-	3	-	-	-	-	70.0
6	Засгийн газрын албан даалгавар	1	1	-	-	-	-	-	100.0
7	ЗГ-ын хуралдааны тэмдэглэл	7	6	1	-	-	-	-	95.7
Нийт		15	9	6	-	-	-	-	88.0

2.3. Сайдын тушаалаар өгсөн үүрэг даалгаврын биелэлт:

/Хүснэгт 5/

Нийт заалт	Үүнээс						Биелэлтийн хувь
	100%	70%	30%	0%	Хугацаа болоогүй	Хүчингүй болсон	
21	14	5	2	-	-	-	86.2

2.4. Шилэн дансны хөтлөлтийн үнэлгээ:

/Хүснэгт 7/

Мэдээлэл		Нийт заалт	Үүнээс					Биелэлт хувь
			100%	70%	30%	0%	Хугацаа болоогүй	
АТҮТ "ТӨҮГ"	төсөв, гүйцэтгэл	14	5	-	-	3	6	62.5
	хөрөнгө оруулалт, тендер, худалдан авалт	6	4	-	-	-	2	100.0
	бусад	8	7	-	-	-	1	100.0
Нийт		28	16	-	-	3	9	88.8

2		Хандив, тусламжийн зарцуулалтын тайлан	
3		Санхүүгийн тайланд хийсэн аудитын дүгнэлт	

2.5. Ил тод, нээлттэй байдлын шалгуур үзүүлэлтүүдийн үнэлгээ:

/Хүснэгт 9/

Хэсэг	Нийт Арга хэмжээ	Үнэлгээ /хувиар/					Чиг үүрэгт хамаарахгүй	ХШҮ
		100	70	30	0	Хугацаа болоогүй		
1	10	3	3	1	1	-	2	67.5
2	6	4	1	1	-	-	-	83.3
3	15	11	-	1	1	-	2	86.9
4	2	-	1	-	-	-	1	70.0
5	13	6	1	-	-	-	6	95.7
Нийт	46	24	6	3	2	-	11	83.1

Гурав. Үнэлэлт, дүгнэлт

3.1. “Автотээврийн үндэсний төв” ТӨҮГ нь 2024 оны гүйцэтгэлийн төлөвлөгөө боловсруулахдаа ХШҮДАГ-аас өгсөн зөвлөмжийн дагуу арга хэмжээнүүдийг хариуцах хэлтэс, албадыг нэр заан тусгаж, яамтай хамтран хэрэгжүүлэх арга хэмжээний хүрэх түвшин, оролцох үүрэг, хариуцлагыг ялгаатай тодорхойлж, хэрэгжүүлэх арга хэмжээний хүрэх түвшнийг улирлаар хуваан яамны төлөвлөгөөтэй уялдуулан төлөвлөсөн байна.

3.2. “Автотээврийн үндэсний төв” ТӨҮГ-ын 2024 оны үйл ажиллагааг гүйцэтгэлийн төлөвлөгөөний хэрэгжилт, Хууль тогтоомж, тогтоол шийдвэрийн биелэлт, Сайдын тушаалаар өгөгдсөн үүр даалгаврын биелэлт, Шилэн дансны хөтлөлтийн үнэлгээ, Нийтийн мэдээллийн ил тод байдлын хэрэгжилт зэрэг 5 үйл ажиллагааны нийт 173 арга хэмжээний хэрэгжилтэд 2024 оны жилийн эцсийн байдлаар хяналт-шинжилгээ, үнэлгээ хийлээ.

3.3. “Автотээврийн үндэсний төв” ТӨҮГ-ын 2024 оны үйл ажиллагаанд нийт 173 арга хэмжээг хяналтад авч үүнээс бүрэн хэрэгжсэн буюу 100 хувийн хэрэгжилттэй 94, 90 хувийн хэрэгжилттэй 7, 70 хувийн хэрэгжилттэй 29, 50 хувийн хэрэгжилттэй 5, 30 хувийн хэрэгжилттэй 13, тасарсан буюу 0 хувийн хэрэгжилттэй 5, хугацаа болоогүй 9, үнэлгээнд тооцогдохгүй буюу чиг үүрэгт хамааралгүй 11 арга хэмжээний дундаж үнэлгээ **83.0** хувьтай дүгнэгдсэн байна.

3.4. 2024 онд Улс, хот хооронд 2.4 сая зорчигч тээвэрлэхээр төлөвлөсөн ба жилийн эцсийн байдлаар 1,9 сая зорчигч тээвэрлэсэн нь үзүүлэлттэй байна. Уул уурхайн бүтээгдэхүүний тээвэрлэлтийн үйл ажиллагааг тасралтгүй зохион байгуулж, 9 боомтын 47 уурхайгаас 82,8 сая.тонн ачаа тээвэрлэсэн нь өмнөх оны мөн үеэс 23 хувиар өссөн үзүүлэлттэй байна.

Дөрөв. Санал, зөвлөмж:

“Автотээврийн үндэсний төв” ТӨҮГ-ын 2024 оны үйл ажиллагаанд жилийн эцсийн байдлаар хяналт-шинжилгээ, үнэлгээ хийж, дараах санал зөвлөмжийг хүргүүлж байна.

4.1. Олон улс, улсын чанартай авто замын дагуу 150-200 км тутамд үйлчилгээний цогцолбор байгуулах, Цахилгаан болон байгалийн хийн хөдөлгүүртэй тээврийн хэрэгслийн цэнэглэх сүлжээг шатахуун түгээх станц болон үйлчилгээний газруудыг түшиглэн төр хувийн хэвшлийн түншлэлээр байгуулах, Замын-Үүд, Сэлэнгэ, Булган, Говьсүмбэр, Дорнод, Сүхбаатар, Дундговь, Өвөрхангай, Ховд, Говь-Алтай зэрэг аймгийн төвд зорчигч тээврийн автобуудал байгуулах зэрэг бодлогын баримт бичигт туссан арга хэмжээг эрчимжүүлэх;

4.2. “Автотээврийн хэрэгсэл. Автотээврийн хэрэгслийн хөдөлгүүрийн ажилласан хий зайлуулах системийн засвар, үйлчилгээнд тавих шаардлага” “Автотээврийн хэрэгсэлд суурилуулсан байршил тогтоох төхөөрөмж /GPS/-д тавих шаардлага”, “Такси үйлчилгээ. Ерөнхий шаардлага. MNS 5122:2013” стандарт, “Улс хоорондын автотээврийн ачаа, зорчигч тээвэрлэлт. Тээвэрлэлтийн ерөнхий



шаардлага MNS 5831:2007” зэрэг стандартуудыг шинэчлэн батлуулах, дүрэм, журам стандартын хэрэгжилтийг хангах, бичиг баримтуудыг шинээр батлуулах зэрэг хөрөнгө, санхүүжилт шаардагдахгүй ажлуудыг хэрэгжүүлэх;

4.3. “Автотээврийн үндэсний төв” ТӨҮГ-ын дотоод зохион байгуулалт, үйл ажиллагаатай холбоотой дараах ажлуудыг хийж гүйцэтгэх шаардлагатай байна. Үүнд: Хүний нөөцийн стратеги хөтөлбөр, түүнийг үнэлэх журам, Улс хоорондын зорчигч тээвэрлэлтийн үйлчилгээнд суудлаар даатгалд хамруулах хувилбарыг судалж, хэрэгжүүлэх, Автотээврийн хэрэгслийн мэргэшсэн жолоочийн сургалт шалгалтын нэгдсэн санг Цагдаагийн ерөнхий газрын жолоочийн зам тээврийн осол, зөрчлийн сантай холбох, шинэ чиглэлүүд эхлүүлэх, илгээмжийн ачааг хүлээн авах, бүртгэлжүүлэх, хадгалах, тээвэрлэх, хүлээлгэн өгөх үйлчилгээг өргөжүүлэх зэрэг арга хэмжээг эрчимжүүлэх;

4.4. Мөн “Мэдээлэл хариуцагч нээлттэй мэдээллийн ил тод байдлыг хангахад Засгийн газрын 2022 оны 201 дүгээр тогтоолын хавсралтаар баталсан “Нээлттэй мэдээллийг цахим хэлбэрээр байршуулж нийтлэх, шинэчлэх, хяналт тавих нийтлэг журам”-ыг үйл ажиллагаандаа мөрдлөг болгон ажиллаж, Шилэн дансны тухай хууль, Нийтийн мэдээллийн ил тод байдлын тухай хуулийн хэрэгжилтийг хангуулж, нийтэд нээлттэй ил тод байх мэдээллийг байнгын шинэчлэн, хуулийн хэрэгжилтийг тухай бүр бүрэн хангуулахад анхаарч ажиллахыг тус тус зөвлөж байна.

СХШҮДАГ

